

مجله دانش

سری ۱۳۳۰

والله يهدي من يشاء الى صراط مستقيم
دینی، علمی، ادبی، سیاسی هفته‌لق بمجوعه اسلامیة در
اتبعون اهدکم سبیل الرشاد

صاحب و مدیر مسئول : ع . اشرف ادیب

عدد ۳۴ - ۲۱۶ ۱۴ ذی القعدة ۱۳۳۰ پنجشنبه ۱۱ اشرین اول ۱۳۲۸ جلد ۲ - ۹

۱- كرك بالفعل محارباته اشتراك ايتش ويا سائر بر صورتله محاربه دن دولاي بر جرم اختيار ايلدمش اولان بوتون طرابلس غرب وبنغازي اهالي سي ايچون كاملاً عفو عمومي اعلان ايدلمشدر .

۲- طرابلس غرب وبنغازي سكه سي اولجه اولديني كبي بعدماده خصوصات مذهبيه سر بستی تامه مالك اولاجقردر . جامعلرده خليفه لر ينك اسمي ذكر اولونه جق وذات حضرت پادشاهي طرفدن نصب اولونا جق ذات كنديسنك وكيلى عد ايديله جكدردر .

حقوق اوقاف كا كان محفوظ اولديني كبي مشيخت اسلاميه طرفدن نصب ايديله جك قاضيلرله ، اهالي مسلمه نك معاملاتنه بر صورتله مداخله ايديله جكدردر .

۳- ذات حضرت پادشاهي طرفدن نصب اولونا جق مأمور طرابلس غرب وبنغازي ني ايتاليا حا كيتنه وضع ايدن ۲۵ شباط ۱۹۱۲ تاريخي قانوندن صوكره قطعه مذكوره ده موجود اولان تبعه و منافع عثمانيه نك ده محافظه وظيفه سني حائر بولونا جكدردر .

۴- نشر ايديله جك ديكر بر امرنامه ايله ده ايچنده اعيان واشراف محليه ده بولونه جق وهر ايكي ولايتك امور اداره سنه عائد وعادات و اخلاق محليه موافق حريت پرورانه نظامات وضع و تأسيسنه مأمور اولاجق قوميسيونك اعضاسي تعيين ايديله جكدردر .

* *

بلغار و صرب سفير لر ينك بسا پور طر لرينك اعطاسي (شفاهي نوطه)

خارجيه نظارتي قلم مخصوص مديري تشرين اولك ۴ نده صباحين بلغارستان و صربستان سفارتلر سنه عزيمت ايتنر و عثمانلي آژانسنك تبليغه كوره ايكي سفيره تبليغات آتیه ده بولنمشدر :

بلغارستان (صربستان) سفارتنه

« بلغارستان (صربستان) حكومتك عموم اردوسني حال سفر بر ييه وضع ايتسي وقوتی حدود خاقانیده تحشيد ايلسي و بتون حدود بوينده كي استحكامات ومواقع هر كون هجوملر وقوع بولسي ، حكومت عثمانيه نك امور داخله سنه مداخله اولنسي و بلغارستان (صربستان) حكومتك شايان قبول اولدقدن بشقه عقله صيغماز بر طاقم مطالبات ايلري يه سورمسي حكومت عثمانيه ايله بلغارستان (صربستان) بيننده حكومت عثمانيه نك دائماً محافظه سنه آرزوكش بولنديني صلح ومسالمك دوامني غير قابل بر حاله كيريمشدر .
بناءً عليه بلغارستان (صربستان) سفيري ايله سفارت اركانك بسا پور طر لريني آلمغه وقابل اولديني قدر سرعتله عثمانلي طوپراغني ترك ايلكه مجبور بولندقلري اخبار اولنور . »

* *

مجموع امری

(حكومت سنيه نك تبليغ رسمي سي)

« دولت عثمانيه نك محافظه وادامه سنه ساعي اولديني مسلك مسالتي پرورانه يه بلغارستان و صربستان حكومتلري طرفدن عمومي سفر برلكه قيام ايله حدود عثمانيه سوق و جمع و بتون حدود بوينده كي قله لر يمه و مواقع ساثره يه كل يوم تعرض اولنسي و حكومت سنيه نك امور داخله سنه مداخله يه و قبوله غير شايان و نامعقول مدعيانه قالفيشلمسي سلطنت سنيه ايله بلغار و صرب حكومتلري بيننده دوام صلحي درجه استحالته كيتريديكندن بلغارستان و صربستان سفير لر يله معيتلرينك بسا پور طر لريني اخذ و ممالك عثمانيه دن تباعده مسارعت ايتلري ضمننده خارجيه نظارت جليله سندن مذكور سفير لره دون تبليغات اجرا ايدلمش و كرك بلغار لره ، كرك صربستانك بر دوام اولان تعرضات و تجاوزاتنه مستعينا باه آرتق مقابله اولنسي ايچون اردوي هايونه اوامر لازمه و يرلمشدر . »

وصايا و ارشاداتده بولنق صورتيله طرفكردن معاوننده بولنله جكدردر . اعظم رجال دولت عليه مزدن اوقاف هايونمز ناظر اسبق اولوب برنجي رتبه عثمانی و مجیدی نشان ذیشانلريني حائر و حامل اولان افتخار الاعالي و الاعظم مختار الاكبر و الافاخم شمس الدين بك دامت معاليه طرف هايونمز دن نزد كزه نائب السلطان عنوانيله تعيين ايدلمش و مملكتك زده كي منافع عثمانيه نك امر محافظه سي مشاراليه توديع اولنمشدر . مشاراليه توديع ايتديكم وكالتك مدق بيش سنه اولوب بو مدتك ختامنده طرف پادشاهانه مزدن مشاراليه وكالتي تجديد ايديله جك ، يا خود خلقي نصب وتعيين قلنه جكدردر . احكام جليله شرع شريفك مستمراً صريقتي اقصادي مقاصد شاهانه مز اولديغندن بومقصدي تأمين ايچون لازم كلان قاضي طرف شاهانه مزدن نصب وتعيين اولنه جق و قاضي مشاراليه دخي ايجاب ايدن نواب شرعيه يي احكام شرعيه يه توفيقاً علمای محليه مياننده تعيين ايديله جكدردر . قاضي مشاراليه معاشي طرفزدن و نائب السلطان ايله ديكر بالجله مأمورين شرعيه نك معاشاتي واردات محليه دن تأديه قلنه جكدردر . تهريراً في اليوم الخامس من شهر ذي القعدة الشريفة لسنة ثلثون و ثلثمائة و الف .

مختاريت قانوني

طرابلس غرب وبنغازي مختاريت اداره سي حقنده قانون صورتيدر :
ماده ۱- طرابلس غرب وبنغازي قطعه لر يه مختاريت تامه و يرلمشدر .
ماده ۲- طرابلس غرب وبنغازي قطعه لر يي قوانين جديده ونظامات مخصوصه ايله اداره ايديله جك و بوقوانين ونظاماتك احتياجات وعادات محليه موافق اولسي ايچون احضارينه وصايا و ارشاداتده بولنق صورتيله اهالي محليه طرفدن معاوننده بولنيله جكدردر .

ماده ۳- طرابلس غرب وبنغازي قطعه لر يه طرف پادشاهيدن نائب السلطان عنوانيله رجال دولت عليه عثمانيه دن بر ذات تعيين و مذكور قطعه لر ده كي منافع عثمانيه نك امر محافظه سي كنديسنه توديع اولنه جكدردر .
نائب السلطانك مدت وكالتي بيش سنه در . بومدتك ختامنده طرف شاهانه دن نائب السلطانك وكالتي تجديد ، يا خود خلقي نصب ايديله جكدردر .

ماده ۴- احكام جليله شرع شريفك مستمراً اجراسي ضمننده طرف هايوندن كا كان قاضي نصب اولنه جق وقاضي مشاراليه دخي ايجاب ايدن نواب شرعيه يي احكام شرعيه يه توفيقاً علمای محليه ميانندن تعيين ايديله جكدردر .

ماده ۵- قاضينك معاشي خزينة جليله ماليه دن و نائب السلطانك وقاضيدن ماعدا بالجله مأمورين شرعيه نك معاشاتي واردات محليه دن تأديه اولنه جكدردر .

ماده ۶- بوبابده اهالي محليه يه خطاباً بر فرمان عالي اصدار اولنه جكدردر .
ماده ۷- بوقانونك اجراي احكامنه مشيخت اسلاميه ايله داخله وماليه نظارتلري مأموردر .

بوقانونك مجلس عمومينك اجتماعنده قانوني تصديق ايتديرليك اوزره موثقاً موقع اجرايه وضعي اراده ايدرم
في ۵ ذي القعدة سنة ۱۳۳۰ و في ۳ تشرين اول سنة ۱۳۲۸

محمد رشاد

عربيه ناظري	شوراي دولت رئيسي	شيخ الاسلام	صدر اعظم
ناظم	كامل	جمال الدين	غازي احمد مختار
تجارت و نافع ناظري	خارجيه ناظري	عدليه ناظري	داخله ناظري
مصطفى رشيد	غابريئل	عبدالحليم	دانش
اوقاف ناظري	معارف ناظري	ماليه ناظري	نافعه ناظري و بحريه ناظري و كيلي
محمد فوزي	سعيد	عبدالرحمن	صالح
		تلفراف و پوسته و تلفون ناظري	صبري

* *

ايتاليا امرنامه قراليسي

ايتاليا جريده رسمي سنده نشر اولنمشدر :

طرابلس غرب وبنغازيده تماماً تأسيس سكون مقصديله مواد آتیه امر اولنور :